

Headline	Pertimbang pelaburan dalam RE		
MediaTitle	Utusan Malaysia		
Date	11 Jul 2019	Language	Malay
Circulation	107,609	Readership	322,827
Section	Ekonomi	Page No	35
ArticleSize	707 cm ²	Journalist	N/A
PR Value	RM 41,920		



Pertimbang pelaburan dalam RE



Oleh **NABILA YASMIN RAZIB**
ekonomi@utusan.com.my

■ KUALA LUMPUR 10 JULAI

SYARIKAT minyak dan gas (O&G) negara, Petrolim Nasional Bhd. (Petronas) sedang mempertimbangkan pelaburan berdaya maju dalam tenaga boleh diperbaharui (RE) seperti solar, angin dan biomas pada skala komersial.

Presiden dan Ketua Pegawai Eksekutif Kumpulan Petronas, Tan Sri Wan Zulkiflee Wan Ariffin berkata, penerokaan baharu itu adalah usaha syarikat dalam memenuhi permintaan sumber tenaga yang mapan.

Katanya, penerokaan itu juga akan menyokong inisiatif kerajaan mengurangkan pelepasan karbon dan mencapai status ekonomi rendah karbon menjelang 2050.

"O&G akan terus kekal sebagai perniagaan teras kami sejajar dengan penguasaan berterusan minyak dan gas dalam campuran tenaga utama.

"Petronas juga mengam- bil langkah untuk menerokai



WAN ZULKIFLEE WAN ARIFFIN

bidang pertumbuhan baharu melangkaui minyak dan gas konvensional," katanya dalam Sidang Meja Bulat Tenaga Malaysia anjuran bersama Forum Ekonomi Dunia di sini hari ini.

Yang turut hadir pada sidang bertemakan Membentuk Lanskap Masa Depan Tenaga Malaysia ialah Menteri Tenaga, Sains, Teknologi, Alam Sekitar dan Perubahan Iklim, Yeo Bee Yin; Pengerusi Suruhanjaya Tenaga, Datuk Ir. Ahmad Fauzi Hasan; Ketua Pegawai Strategi dan Pengawalseliana Tenaga Nasional Bhd. (TNB), Datuk Faziur Rahman Zainuddin dan Ketua Masa Depan Tenaga dan Bahan, Fo-

rum Ekonomi Dunia, Roberto Bocca.

Menurut Wan Zulkiflee, Petronas juga m e m p e r u n - t u k k a n RM30 bilion bagi aktiviti hu- luan tahun ini

dengan separuh daripada jumlah pelaburan itu adalah untuk pelaburan domestik bagi memastikan tiada gangguan terhadap bekalan tenaga.

Beliau turut menekankan, Petronas akan mengambil pendekatan sewajarnya terutama dalam segmen RE dan memastikan syarikat tidak terlalu terburu-buru membuat sebarang keputusan.

Katanya, dalam konteks ini, Petronas perlu menentukan pelaburan yang diperlukan supaya kewangan kumpulan tidak terjejas.

"Ini kerana pulangan daripada segmen RE tidak sama seperti pulangan dalam O&G konvensional," katanya.

Sementara itu, dalam majlis



berasingan sem- pena Persidangan Pengurusan Perniagaan Antarabangsa oleh Universiti Islam Antarabang- sa, Wan Zulkiflee berkata, organ- isasi perlu meng- guna pakai pelb-agai strategi dalam landskap perniagaan semasa dan pemimpin untuk tempoh lima hingga 10 tahun akan datang.

Jelasnya, ini ekoran perub-ahan pesat dalam dunia perniagaan hari ini dan organisasi tidak boleh hanya bergantung kepada satu strategi.

Beliau berkata, Petronas memberi tumpuan kepada Mat- lamat Pembangunan Mapan seperti alam sekitar, pendidikan serta kebajikan masyarakat.

"Setiap tahun kami menyed- iakan 330 biasiswa. Saya tidak fikir ada entiti tunggal lain yang berbuat seperti ini.

"Kami melaksanakannya se- masa harga minyak pada AS\$100 (RM413.80) setong dan semasa harga pada AS\$30 (RM124.15)

INFO

PENGLIBATAN PETRONAS DALAM RE

- Bagi memenuhi permintaan sumber tenaga mapan
- Menyokong inisiatif kerajaan mengurangkan pelepasan karbon
- O&G kekal sebagai perniagaan teras
- Ambil pendekatan sewajarnya
- Peruntukan RM30 bilion untuk aktiviti huluan

setong. Saya membuat kepu- tusan untuk tidak mengubah pelaburan jangka panjang ini," katanya.

"Inilah bidang yang kami perlu peralusi dan menerusi yayasan kami, Yayasan Petronas, kami melibatkan diri dalam aktiviti tanggungjawab sosial korporat dan Matlamat Pem- bangunan Lestari (SDG)," ka- tanya.